

DEO OPTIMO MAX.


UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,* QUOD LIBETARIIS DISPUTATIONIBUS, manè discutienda in Scholis Medicorum, die Lunæ decimæ-quartâ mensis Febuarii, anno Domini M. DCC. LXXIV.

M. PETRO BERCHER, Facultatis ex-Decano & Academiae Cen-
sore, Regiæ Hispaniarum Infantis, dum viveret, necnon Regii exer-
citûs ad Infimum Rhenum in ultimo bello Medico Primario, Doctore
Medico, Præsîde.

An in inflammationibus pulmonum etiam cum sputo cruento aliquando Emeticum?

I.

 UM inter morbos qui mortalium genus affligunt, nullus ferè crudelior, & tamen vix fre-
quentior occurrat quam *peripneumonia*, nullus etiam est de quo tam variè senserint Medici, &
quem tam diversis remediis aggressi fuerint. Etenim alii lentorem sanguinis incusant, ad
ea quæ eum attenuant, ipsius quæ cursum promovent auxilia confugunt; alii ejusdem
æstum, partiumque stricturnam, quæ temperate, mollire, demulcere valent solent sola exhibenda esse
censerunt; alii sanguinem ultrâ modum profundunt; alii vix semel aut bis; alii denique emeticum
ut venenum omnino prohibent; alii ut efficacissimum auxilium adhibent. Quæ si pro diversis & de-
terminatis morbi speciebus, non autem indiscriminatim effecissent nihil esset quod miraremur, immò
laudanda foret eorum prudentia. Undenam igitur tanta inter artis Medice perigos sententiarum diver-
sitas? Plurimi scilicet ad sola symptomata in curandis morbis attendentes, causam ferè omnino negli-
gunt: ceteri verò altius scrutantes, inter symptomatum turbam quibus addita sepe latet morbi causa, eam
tamen secernere sciunt, hucque curationem dirigentes, importunam hanc simul symptomatum cater-
vam feliciter dissipant. Et certè quæ potest esse in medendo felicitior ratio quàm directè causam ado-
riri? Nam quid axioma tam vulgare, *causa sublata, tollitur effectus*, commemorare opus est? Huc revo-
centur & animo singantur colicæ Pictorum sympto-
mata. Quâ horrendâ specie sese offert? Quâ atro-
citate ingruit? Quibus doloribus convulsiones sæpè excitantibus ægros distortquet? Hæc omnia tamen
sanantur remediis quæ in sanis ea forsan excitarent: quippe cum à materiâ intestinorum tunicis ad-
hærente & irritante producantur, solâ ejusdem expulsionē sedari possunt; pessimèque sibi & ægroto
consultet Medici, qui oleosis & demulcentibus tantummodò uteretur. Num in *peripneu-
monia* etiam cum sputo cruento, quid similè posset occurrere, & cum sputum cruentum symptoma
videatur emeticis duntaxat exacerbandum, fieri posset ut iis utpote causæ expugnandæ accommodatis
tolleretur? Etenim si inflammationes pulmonum, ut constat, à sanguine in ipsorum vasibus stagnante
oriuntur, qui pone urgentis impetum excipiens vasa distendit, eaque etiam distumpendo effunditur,
spuriaque incit; quid à remediis quæ motum & actionem fibrarum adaugendo etiam resolutionem
efficere valent non sperandum? Si itaque demonstratur nihil aptius esse sanguinis in pectore infarctibus
resolvendis, ipsiusque motui expediendo quàm succussiones ab emeticis productas, quid commodi in
pulmonum inflammationibus etiam cum sputo cruento ab emeticis expectandum sit, simul evictum
fuerit.

I I.

PORRO inflammationem à sanguinis cursu ob ipsius moleculas in vasibus implicitas intercepto ostiri,
ita omnibus notum est, ut eam hic longius explicare prorsus supervacaneum sit. Dnas autem pra-
cipuas esse causas animadvertemus; sanguinis nempe partium eam crassitiem quâ canalibus permeandis
propter molis excessum ineptæ sint; alteram vasotum eam stricturnam quâ diameter illorum imminuta
minor fiat moleculis transmittendis. Ex quibus jam liquet inflammationis causam proximam esse san-
guinis infarctum in suis vasibus. Hinc tumor à sanguine stagnante suæque vasa distendente; hinc dolor
à distractione fibrarum, durities à congesto & condensato sanguine, febris ab irritato corde resistent-

* Auctore M. PETRO BERCHER, Ex-Decano, anno 1741.

tiis ipsius actioni, liquidorumque motui obstantibus, ardoris sensus a valido motu & attritu crioris, pulsatio a sanguinis cordis ictibus in partes ingurgitatas alternatim impulsu nisu atque impetu. Hæc autem inflammatio quatuor modis terminari potest: nempe aut partes fluidæ vi vitæ attenuatæ, subactæ, ad minorem molem redactæ, tandem cedere coguntur, motu liquorum abripiuntur, sicque soluto infarctu liber sanguinisredit circuitus, fit resolutio: aut partes sanguinis ita intrusæ in minima vasa & cum illorum parietibus ita compactæ ut exinde nullo modo deturbatæ & ejici queant, perpetuo liquidi pondè urgentis motu agitatæ & propulsæ, tandem vasa haud apta tantis viribus sustinendis fessum destruunt, & in pus simul abeunt, fit suppuratio. Si obstructio maxima, æstus vehementis; pluitibus inflammatione correptis vasis, sistitur circulatio in parte inflammata, subsequenteque putredine fit sphacelus. Superest scirrhus in quem aliquando desinit inflammatio, quando scilicet diffatis partibus fluidissimis induratur residuum & concrevit cum vasis. Ex his autem quatuor modis quibus terminatur inflammatio, sola resolutio exoptanda est; hæc est quam semper intueri, quam semper sibi proponere debet Medicus, exceptis forsitan inflammationibus quibusdam externis & criticis: Etenim quoad internas sola est via quæ æger ad salutem turò revocari possit, cum tres aliæ ferè semper lethales sint. Ut autem sola vasorum actio liquidorum fluxum in statu sano promoveat, eorumque stagnationem præcavet, sola etiam in statu morbofo eundem interceptum restituere, concreta liquida dividere, resolutionemque efficere potest. Ab aliâ igitur quæcumque causâ opem nequicquam expectaremus, ni adellet simul fibrarum actio. Nec attenuantia, nec incidentia, nec resolventia, nec diluentia ullam in fluida potentiam exercent nisi solidorum ope. Quod de prioribus liquidò constat & primo intuitu patet, & de diluentibus etiam concedendum est, cum abque vasorum actione partibus humorum diluendis immisceri & confundi nequeunt. Emollientia etiam quæ externis inflammationibus applicantur, motum fibrarum restituendo conducunt. Fibras scilicet relaxando oscillationes antea propter partium stricturam & tensionem suspensas revocant: unde in tumoribus ab inertia vasorum enatis plurimum nocent, nedum proficiant. In eo igitur totum versatur Medici negotium ut actionem fibrarum aut suspensam revocet, aut perditam restituat. Ad id tendunt omnia quæ ad inflammationem: discutiendæ accommodatæ cognoscuntur. Sanguinis missio ut in depletas evacuatione venas liberior fiat sanguis ex arteriis expulsiò, sicque motus resistentiâ in liquidis, fibrarum vi moveri possint molecule infarctum & obstructionem jam jam minitantes, aut etiam formantes. Idem efficiunt attenuantia, repellentia, resolutiva, & cætera quæ fibras iterando fluidorum in vasis motum accelerant, concretionem impediunt coagulative resolvunt. Idem etiam efficiunt ritè adhibita vomitoria quæ succutiendo & latera vasorum comprimendo in liquores necessariò agent, impeditosque propellent.

II.

INTER omnia quæ ad morborum expugnationem in usum cefferunt medicamenta, nulla majorem ægris metum inferunt quam emetica. Quippe persuasum habent omnia quæ vomitum concitant aliquid venenosi habere quod sanguinem ultra modum incendens, vitæ & sanitati admodum est infensum. Quin etiam plerumque inter Medicos eundem cum ægris quasi timorem communicantes manu non nisi tremente emetica ægris porrigere audent. Non inficiabimur autem in plerisque vomitoris latere aliquid subtilis & causticæ indolis quod inordinatos in corpore motus concitat, sicque plurima inferre potest mala, tum genus nervosum spasmi & convulsio; bus afficiendo, tum sanguinem huc & illuc pellendo & repellendo. Sed hosce motus licet inordinatos tamen saluti esse, morborumque curationi inservire posse hoc etiam contendimus, hoc experimentis evinci plurimis, hoc ratione confirmari, & ex emeticorum actione patere asserimus. Etenim in vomitu primum irritatus ventriculus convellitur, plurimisque nervis quibus cum omnibus ferè partibus consensum habet, musculos abdominis, pectoris, diaphragma in motum etiam agit. Hinc comprimitur abdomen, hinc concutitur totum pectus, variis quæ succussibus agitur; tumque violentâ musculorum abdominis potissimumque transversis actione, matetia in ventriculo contentæ, per pylorum convulsione oculorum exitu denegato, per œsophagum violenter exprimuntur. Pectus igitur cum abdomine ut majorem ab emeticis patiatur actionem, ita quoque ab iis ritè vel præpostere adhibitis plurimum levantur vel laborant. Etenim sub tantis motibus agitur visceribus in iis necessariò acceleratur sanguinis circuitus; fortius itaque impingit in partes fluidorum vasis implicitas, si quæ sint, eas majori impetu diverberat, majorique nisu impellit. Aliunde cum fibrarum vim solani resolutionis ministrant agnoverimus, sub emeticorum actione quâ tanta sit ubique succussio, viscerumque compressio, quinam fibris tunc additur stimulus? Latera vasorum vehementius constringuntur, vehementius itaque in fluida agunt, ea percutiunt, sicque undequaque crescentibus quæ fluida movent viribus, non possunt tandem non abtupi partes quæ aut flati suâ, aut motûs lentore obstructioni locum præstabant; non possunt non dividi quæ nimia mole canalibus subeundis impares cæterarum progressui obstant, denique non potest non solvi infarctus, liberisque relictis vasis non evanescere omnia quæ obstructionem sequebantur symptomata. Quamam igitur ratione emeticis effectum denegaremus, quem tot aliis auxiliis idem omnino efficientibus tam libenter concedimus? Motus infarctibus solvendis aptissimus semper visus est, quod canales succutiendo liquidorum per eos cursum promovet: compressiones cum laterum vasorum resistentiam augeant, congestiones præcavent: frictiones vasa & liquores contentos alternatim comprimendo & conquassando,

liquida attenuant, dividunt, tumoresque feliciter discutiunt. Sola emeticorum actio hæc omnia simul præstat. Agitat & succutit vasa, ea comprimit, liquores: cōhæssat, attenuat, movet. Non igitur omittendum est auxilium quod tot auxiliorum quibus in inflammationibus internis nullus remanet locus, vices quodammodo, gerere, eorumque defectui supplere potest.

I V.

HIS explicatis quid boni in inflammationibus pulmonum etiam cum sputo cruento præstare possit emeticum determinare non erit difficile. Etenim si revocetur omnia quæ de inflammationis naturâ causis & effectibus exposita sunt, si concedatur inflammationem esse veram obstructionem in vasis cruoreni ventibus quâ ipsius cursus interceptur; cum, quâ potentia, quâ efficacia obstructiones tollant emeticum, demonstratum fuerit, inflammationes simul tollere posse etiam consentiendum erit. Quam latè emeticum, demonstratum illi qui tale auxilium in hisce morbis tanquam exitiale fugiendum esse existimant: Quippe quod eos sanare, sputaque cruenta sistere visum fuerit. Nec profecto mirabimur, si tantum sanguinis eruptionem producendam, obstructionem solam sufficere animadvertamus. Quando enim sanguinis cursus obstructis vasis impeditur, liquidum continuo motu ad vesicem ulterius transire impotens cumulat, vasa distendit, illorum fibras vi & copiâ molestè distrahit, quæ si debiliores sint, aut impetus fortior brevi disruptæ sanguini fugam molienti exitum novum aperient. Prout igitur quod libero cursu fluens, hirtora etiam placidè lambebat flumen, si oppositis repagulis sistitur, exuperat, avulsisque ripis effunditur; sic in sputo cruento cruor qui antea liberis ferebatur valis, nulloque etiam morui obstante impedimento, latera vasorum multocius seriebas, si enato quodam obice impediatur, parietes quibus continetur vehementer allidit, iisque distractis ejicitur. Quomodo igitur tali incommodo medebitur? Sane multum proderunt sanguinis missiones, quæ liquidum detrahendo, nimiam vasorum distensionem præcavebunt, impetum minuendo, vim vasis antea quasi onus sustinentiam, eorumque hiatus semper aperientem auferent. Sed ni solvatur infactus, ni sublato obstaculo liber restitatur liquidi fluxus, perfectam curationem nequicquam sperabimus. Semper enim in vasa obstructa velut in antrum cæcum impingens cruor parietes illorum distendit, suspensos detinebit, vultusculaque hiare coget, aut tenetores cicatriculas, si quæ sint, fortius distrahent, novæque raptim nesculæ erit periculum. Medicamentis igitur resolutivis uti non modo utile est, sed etiam necessarium. Aliæ imperfectæ pleurique sit resolutio, remanentque læpissime aliquot vasa obstructa. Hinc fons tot morborum qui *peripneumonia* tam frequenter excipiunt. Hinc ulcere pulmonis exordia, tabemque inducentia miserabilem. Hinc tubercula, asthma, anhelus, pulmonum debilitas & tot alii morbi *peripneumonia* totide n. soboles. Quamobrem non tarda sed citâ esse debet curatio, resolutioque non spectanda sed acceleranda est: proinde non ut noxia rejicienda sunt emetica, sed ut utilia adhibenda; non fugienda sed læuadenda; non arcenda sed arcescenda. *Peripneumonia* quippe & sputum sanguineum ferè sola in initio tollere valent; eoque feliciter quod sano visceri stimulum inferendo, relenteiscentis in affectu parte liquidi lentorem castigant, obstructionemque mox formandam præcavent, aut etiam jam formatam tollunt; præcipue si eo tempore adhibeantur quo moleculæ ingurgitæ, missio prius sanguine, siquæ minutâ liquorum densitate, e loco adhuc moveri queunt; & si vomitus tempore, ne ventriculi parietes in motibus suis ad se invicem allidantur, magno aque collidæ haustu remoti sedulo teneantur; nec emeticum materiamque contentæ ventriculo nimium adhæreant, sed magnâ vehiculâ quantitatè diluta vel minimo hujus visceris nisu expelli queant. Tunc enim enormes non sunt ventriculi convulsiones, sed leviter procedit emeticorum actio; partes in consensum tractæ non dirè succuriuntur, sed benignè commoventur; non violentius constringuntur vasa, sed mollior comprimitur; nec liquores tumultuosè agitantur, sed placidè propelluntur: denique *emesis* vitantur incommoda, omnes percipiuntur utilitates.

V.

UNUM nunc explicandum superest nempe cur, cum emetica hisce motu tollentis tam apta ostensa fuerint, attamen tam sæpe ab iis exacerbentur *peripneumonia*, quin etiam lethales fiant. Quod quidem non experientia luntaxat, sed etiam ratione confirmatur. Etenim quando obstructa vasa sanguinem appellant transivisse denegant, cum utique liquidum canales ita distendit ut eos etiam perturbat, quid à medicamentis ut emeticis non metuendum, quæ liquores insolitis moribus agitando illorum vim visumque in fibras adhuc augent? Erumpet magis ac magis cruor per hiantes vasorum aperturas, novæ etiam sibi in angustis pressus aperiet, aut in lymphatica irrumpens, in jilque altius intrusus enormem pariet inflammationem. Fatendum equidem ea esse vomitoria quæ si nullum afferant bonum, plurima inferunt mala. Si enim suis succussibus partes ingurgitatas propellere, compressionem exprimere nequeant, necesse est ut eas altius urgeant, fortius inter angustias vasorum quasi clavum infigant, siquæ omnem resolutionis spem auferant. Quinam igitur erunt casus in quibus emetica exhibere licebit? Quibusdam signis dignosci poterunt? Sanè, discernere quando utilia vel noxia erunt, quando morbum curabunt, vel cum exacerbabunt, res est iudicii admodum difficilis, & quæ plurimum attentionis in Medico requirit. cum ex eâ pendat agrorum salus vel perniciës. Quippe si indurgetur moleculæ paribus fluidioribus avolatis eo usque induverint, ut emeticorum succussione digridi nequeant, aut ita cum vasis concretæ illorum lateribus adhærescant, ut nullâ vi apertâ avelli

posse videantur; tunc non modo non adhibenda sunt emetica, sed ut hostis perniciosissimus fugienda sunt. Quò enim potentius ad salutem revocare possunt resolutionem efficiendo, eò citius mortem inferunt, quando obstructionis contumacià eladuntur. Malè autem immeritoque exinde concluderetur vomitoria in hisce morbis omnino vitanda esse, nec in ullo horum statu adhiberi posse, sed in omni casu arcenda esse; nisi repellentium, astringentiumque initio *phlegmones* viuperetur usus quem tam lucidè nobis exposuerunt veteres. Quà etenim curà, quà perspicacià horumcè medicamentorum applicationem nos edocuerunt? Quà attentione ab inflammationibus quæ ad statum pervenerant, astringentia removerunt quæ in p-incipio ut optima commendabant: doctrinam scilicet quam hodie exponimus, si non explicarunt, saltem fenserunt. Illa etenim fluxio quam fieri dicebant nihil aliud significat quàm tempus illud quo moleculæ fluidorum, retardato motu, sequentes sistere incipiunt; tempus quo repercutientibus adauctâ fibrarum virtute, omnia evanescere, & ad statum naturalem reverri posse censebant. Quis etenim nescit partes ingurgitatas non ita hisce initiis indurari potuisse, ut leni propulsioni resistere queant? Cur igitur eadem de pulmonum inflammatione non concederemus? In inflammationibus vividis, magnis, magnâque symptomatum turba notatis sanè arceri debent emetica; ab iisdem externis astringentia removebant veteres. Quoties enim obstructiones ita contumaces erunt ut partes ingurgitatæ ferè æque ac ipsamet vasorum latera resistant, toties instantiâ successione necesse erit, ut partes magis lacerantur, infarctus augeatur, suppuratio aut gangrena, morsque ipsa eveniat. Quando autem non ea erit resistentia quæ propulsioem superet; cur emetico flagnantes non cedent moleculæ? cur fugientes liberos non relinquent canales? cur vasorum ab impedito liquidi fluxu distensione sublata, vultuscula propriâ contractione non occluderentur, sanguisque non siceretur excretio? denique cur non sanaretur morbus? Ad id igitur reduci oportet omnis controversia ut molecularum resistentia rite determinetur: in quo quidem peccari facillimè potest. Hinc emeticis aliquoties augentur morbi qui ab iisdem sæpè sanati fuerant: hinc icterus in quo bilis hepaticus occupans ductus non admodum induruerit emeticorum succussibus dissipatur, dum alias per venæ cavæ ramos propulsâ bile plurimum crescit: hinc felices quibus gloriantur *Empyrici* successus; dum validis medicamentis quæ Medicus ob prudentiam, & economiæ animalis peritiam reformidabat, totum genus fibrosius succuriendo, obstructiones aliquando potenter discutit, quas aliquando etiam iisdem remediis lethales efficiunt: hinc coctionis cruditarisq; venit distinctio, mobilitas neapè & immobilitas partium quæ obstructionem formant. Medici igitur est partium ingurgitarum statum, & quæ futura sit illarum resistentia sedulo investigare, an succussione moveri possint? An diuturniori fibrarum actioni quæ eas sensum dividat aut concoquat permitendæ sint? Quamobrem in inflammationibus pulmonum in quibus pulsus admodum tensus, spirandi difficultas maxima, dolor acutus, rubor faciei vividus, febris vehemens, calor ferè urens, lingua exsiccata & quasi exsulta, denique gravior symptomata gravem esse inflammationem edocelunt, ab iis, inquam, inflammationibus longè removeantur emetica; metus est ne obstructionis contumaciæ superandæ imparia sint, perniciosiusque succussibus malum adaugeant: in iis autem in quibus moleculas vasis impeditas iis non admodum adhuc hæc demonstrabit symptomatum remissio, qui emetica rejiciunt, auxilium renouunt cujus ope inflammatio quasi manibus tolli potest, omnia symptomata cito fugari, fluida ingurgitata efficaciter exprimi, canales potenter referari, liberâ restituta circulatione spiritum cruentum feliciter sisti potest; sicque tot calamitatibus quæ *peripneumonia* ut plurimum excipiunt, ægrotantes eripi possunt.

Ergo in inflammationibus pulmonum etiam cum spūto cruento aliquando Emeticum.

DOMINI DOCTORES DISPUTATURI.

M. Josephus COTTON.

M. Theophilus DE BORDEU, Eques, Nosocomii Regii & militaris Barengensis Medicus designatus, nec non Serenissimi Contæ Principis Consultarius Medicus.

M. Anna-Claudius DORIGNY.

M. Henricus - Joannes BAGET.

M. Petrus-Abrahamus PAPON DE MONCETS, Eques; Academia Regia Catalaunensis Socius, rei Herbaria Professor.

M. Ludovicus-Joannes-Baptista COSNIER.

M. Carolus - Jacobus SAILLANT.

M. Jacobus GOURLEZ DE LA MOTTE.

M. Petrus-Augustinus ADET.

Proponebat Parisiis ALPHONSUS-VINCENTIUS-LUDOVICUS-ANTONIUS LE ROY, Rotomagensis, Saluberrimæ Facultatis Medicinæ Parisiensis Baccalaureus, A. R. S. H. 1774.

à sextâ ad meridien.

Typis QUILLAU, Saluberrimæ Facultatis Medicinæ typographi.